



Broj: 14-14-3-14023-9/18
Zenica, 06.12.2018. godine

Na osnovu člana 69. stav (2). tačka e) i člana 70. stav 1., 4. i 6. Zakona o javnim nabavkama („Sl. glasnik BiH“, broj 39/14), Zapisnika o pregledu i ocjeni ponuda broj: 14-14-3-14023-8/18 od 05.12.2018. godine u postupku javne nabavke „Nabavka i isporuka auto guma, auto kozmetike i akumulatora za vozila“, Zeničko-dobojskog kantona, Direktor Službe za zajedničke poslove Zeničko-dobojskog kantona, d o n o s i:

ODLUKU

o poništenju postupka javne nabavke „Nabavka i isporuka auto guma, auto kozmetike i akumulatora za vozila“

Član 1.

(Predmet)

Poništava se postupak javne nabavke „Nabavka i isporuka auto guma, auto kozmetike i akumulatora za vozila“ Zeničko-dobojskog kantona, u skladu sa članom 69. stav (2) tačka (e) Zakona o javnim nabavkama.

Član 2.

(Objava odluke)

Ova odluka će biti objavljena na internet stranici Zeničko-dobojskog kantona www.zdk.ba i to istovremeno sa upućivanjem Odluke ponuđačima koji su učestvovali u postupku javne nabavke, a u skladu sa članom 70. stava (6) Zakona o javnim nabavkama.

Član 3.

(Obavještanje ponuđača o rezultatima)

U skladu sa članom 71. stav (2) Zakona o javnim nabavkama, uz Obavještenje o rezultatima postupka dostavit će se Odluka o poništenju postupka javne nabavke i Zapisnik o pregledu i ocjeni ponuda, ponuđačima koji su učestvovali u postupku javne nabavke.

Član 4.

(Realizacija)

Za realizaciju ove Odluke zadužuje se Služba za zajedničke poslove.

Obrazloženje

Služba za zajedničke poslove je na osnovu Odluke o pokretanju postupka javne nabavke „Nabavka i isporuka auto guma, auto kozmetike i akumulatora za vozila“ Zeničko-dobojskog kantona, broj: 14-14-3-14023/18 od 17.09.2018. godine, pokrenula postupak javne nabavke.

Javna nabavka je provedena Otvorenim postupkom sa predviđenim zaključenjem okvirnog sporazuma na 3 (tri) godine.

U Planu javnih nabavki procijenjena vrijednost nabavke iznosi do 75.000,00 KM bez PDV-a.

Ugovorni organ je objavio obavještenje i tendersku dokumentaciju na portalu javnih nabavki, broj Obavještenja o nabavci: 771-1-1-18-3-16/18 objavljeno je na portalu javnih nabavki 29.10.2018. godine i Ispravka obavještenja o nabavci, broj: 771-1-1-18-8-20/18 od 20.11.2018. godine.

Komisija za provođenje postupka javne nabavke, koja je imenovana Rješenjem broj: 14-14-3-14023-1/18 od 17.09.2018. godine, blagovremeno je izvršila javno otvaranje ponuda, te pregled i ocjenu ponuda i zapisnikom broj: 14-14-3-14023-6/18 od 28.11.2018. godine, konstatovala da su u predviđenom roku pristigle sljedeće ponude:

RB	Broj protokola	Naziv/ime ponuđača	Datum i sat prijema	Ukupna cijena ponude bez PDV-a
1.	14-14-14023/18	TOTAL TRADE d.o.o. Doboj	28.11.2018. u 08.35.	84.626,09 KM
2.	14-14-14023/18	UNITRADE d.o.o. Ljubuški	28.11.2018. u 09.21	76.656,48 KM
3.	14-14-14023/18	AUTOELEKTRA d.o.o. Sarajevo	28.11.2018. u 10.20	89.745,40 KM

Nakon pregleda ponuda naprijed navedenih ponuđača, Komisija je u zapisniku broj: 14-14-3-14023-8/18 od 05.12.2018. godine, konstatovala da sve tri dostavljene ponude prelaze maksimalnu vrijednost koja je jednaka procijenjenoj vrijednosti nabavke, planirane za realizaciju predmeta nabavke, te dala preporuku ugovornom organu za donošenje odluke o poništenju postupka javne nabavke u skladu sa članom 69. stav (2) tačka e) Zakona o javnim nabavkama.

Imajući u vidu gore navedeno, ugovorni organ, u skladu sa članom 69. stav (2). tačka e), poništava postupak javne nabavke za „Nabavku i isporuku auto guma, auto kozmetike i akumulatora za vozila“ Zeničko-dobojskog kantona, jer su cijene svih prihvatljivih ponuda znatno veće od osiguranih sredstava za predmetnu nabavku.


Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 3x ponuđači

1x tenderska dokumentacija



DIREKTOR

mr. ~~se~~ *Cazim Karalić*